

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ

Օ Ր Ե Ն Ք Ը

**«ՀԱՍՏԱՏԱԳՐՎԱԾ ՎՃԱՐՆԵՐԻ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ  
ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

**Հոդված 1.** «Հաստատագրված վճարների մասին» Լեռնային Ղարաբաղի Հանրապետության 1998 թվականի հոկտեմբերի 19-ի ՀՕ-27 օրենքի (այսուհետ՝ օրենք) 6-րդ հոդվածում «7 հոդվածի «Ժէ» և «իա» կետերով» բառերը փոխարինել «7-րդ հոդվածի «Ժէ», «իա» և «իբ» կետերով» բառերով:

**Հոդված 2.** Օրենքի 7-րդ հոդվածը «իա» կետից հետո լրացնել հետևյալ բովանդակությամբ «իբ» կետով.

«իբ) ատամնատեխնիկական ծառայությունների մատուցման գործունեությունը:»:

**Հոդված 3.** Օրենքի 15-րդ հոդվածի 1-ին մասից հանել «հաշվապահական հաշվեկշիռ և ֆինանսական արդյունքների մասին հաշվետվություն,» բառերը:

**Հոդված 4.** Օրենքի 93<sup>1</sup>-ին հոդվածի տեքստը շարադրել հետևյալ խմբագրությամբ.

«Ատամնաբուժական գործունեություն է համարվում ատամնաբուժական պոլիկլինիկաների, կենտրոնների կամ կաբինետների կողմից իրականացվող թերապևտիկ, վիրաբուժական, օրթոպեդիկ, ռենտգենաբանական բժշկական օգնության և սպասարկման գործունեությունը:»:

**Հոդված 5.** Օրենքի 93<sup>3</sup>-րդ հոդվածում «20.000-ապատիկի չափով» բառերը փոխարինել «40.000-ապատիկի չափով» բառերով:

**Հոդված 6.** Օրենքի 93<sup>5</sup>-րդ հոդվածում «1.0» թիվը փոխարինել «0.5» թվով:

**Հոդված 7.** Օրենքը լրացնել հետևյալ բովանդակությամբ 17.2-րդ գլխով.

**«Գ Լ ՈՒ Խ 17.2.**

**ԱՏԱՄՆԱՏԵԽՆԻԿԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ  
ԳՈՐԾՈՒՆԵՈՒԹՅԱՆ ՀԱՄԱՐ ՀԱՍՏԱՏԱԳՐՎԱԾ ՎՃԱՐՆԵՐԸ**

**Հոդված 93.6.** Ատամնատեխնիկական ծառայությունների մատուցման գործունեության համար հաստատագրված վճարների հաշվարկման համար օգտագործվող հասկացությունները

Ատամնատեխնիկական գործունեություն է համարվում ատամնատեխնիկական պարագաների պատրաստումը:

**Հոդված 93.7. Ատամնատեխնիկական ծառայությունների մատուցման համար հաստատագրված վճար վճարողները**

Վճարողներ են համարվում ատամնատեխնիկական ծառայությունների մատուցման գործունեություն իրականացնողները:

**Հոդված 93.8. Ատամնատեխնիկական ծառայությունների մատուցման գործունեության համար հաստատագրված վճարի չափը**

Ատամնատեխնիկական ծառայությունների մատուցման գործունեության համար հաստատագրված վճարի ամսական չափը որոշվում է էլակետային տվյալի և համապատասխան ուղղիչ գործակցի արտադրյալի 40.000-ապատիկի չափով՝ դրամական արտահայտությամբ:

**Հոդված 93.9. Ատամնատեխնիկական ծառայությունների մատուցման գործունեության համար հաստատագրված վճարի հաշվարկման էլակետային տվյալը**

Ատամնատեխնիկական ծառայությունների մատուցման գործունեության համար հաստատագրված վճարի հաշվարկման էլակետային տվյալ է համարվում ատամնատեխնիկական ծառայությունների մատուցման աշխատատեղերի թիվը:

**Հոդված 93.10. Ատամնատեխնիկական ծառայությունների մատուցման համար հաստատագրված վճարի հաշվարկման ուղղիչ գործակիցները**

Հաստատագրված վճարի հաշվարկման համար գտնվելու վայրի հետ կապված ուղղիչ գործակիցներն են՝

- 1) Ստեփանակերտ քաղաքի համար՝ 1.5.
- 2) Ստեփանակերտ քաղաքից դուրս՝ 0.5 :»:

**Հոդված 8.** Օրենքի 98-րդ հոդվածում « ի» և «իա» ենթակետերով» բառերը փոխարինել « ի», «իա» և «իբ» կետերով» բառերով:

**Հոդված 9.**

1. Սույն օրենքն ուժի մեջ է մտնում 2013 թվականի հունվարի 1-ից:
2. Սույն օրենքն ուժի մեջ մտնելու պահից հետո՝ քսան օրվա ընթացքում, օրենքի 7-րդ հոդվածի «իա» և «իբ» կետերով նախատեսված գործունեություն իրականացնող իրավաբանական անձինք և անհատ ձեռնարկատերերը պարտավոր են իրենց հաշվառման վայրի հարկային մարմին ներկայացնել հայտարարություն՝ էլակետային տվյալների և ուղղիչ գործակիցների վերաբերյալ:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ  
ՆԱԽԱԳԱՀ՝**

**Բ. ՍԱՀԱԿՅԱՆ**